

共同經課 - 1 約珥書二章一節~二節, 十二節~十七節

1 你著佇錫安歎哨角, 佇我的聖山歎號頭。國內倚起的百姓攏著愕愕; 因為耶和華的日欲到, 今近啦。  
2 彼日是黑黑暗暗, 密雲、黑暗的日, 親像拍拂光色緻舖滿山頭。有一族大閹強; 將來未曾有按呢者, 以後到代代也無。  
12 耶和華講: 雖然按呢, 恁著用專心、用禁食、用啼哭、用悲哀, 越轉歸向我。  
13 著拆裂恁的心, 莫得拆裂恁的衫。歸向耶和華——恁的上帝; 因為伊有仁慈, 憐憫, 無快快受氣, 滿滿恩惠, 閣退悔伊的災禍。  
14 是誰會知伊肯越倒轉來退悔, 留福氣佇後來, 就是有素祭灌奠獻互恁的上帝——耶和華。  
15 恁著佇錫安歎哨角, 設一個禁食的聖日, 召集嚴肅會。  
16 聚集眾百姓, 分別彼個會做聖: 招集老人, 聚集囡仔及食奶者; 互新子婿出伊的厝, 新娘離開伊的房。  
17 服事耶和華的祭司著佇兩廊及祭壇的中間啼哭, 講: 耶和華啊, 求你寬恕你的百姓, 莫得互你的產業受凌辱, 互列邦管轄in。啥事互列國的人講: 「in的上帝佇叨落」?

共同經課 - 2 詩篇五十一篇一節~十七節

1 [大衛及拔示巴同房以後, 先知拿單來見伊; 伊做此個詩, 交互樂官。] 上帝啊, 照你的慈愛憐憫我! 照你豐盛的慈悲擦消我的過失! 2 將我的罪惡一盡洗除, 亦洗清我到無罪! 3 因為, 我家已知我的過失; 我的罪常常佇我的面前。  
4 我所犯著的, 就是得罪你若定; 佇你的目矚前行此號歹, 致到你講話的時顯明做義, 判斷的時顯明公道。  
5 我是佇罪惡中生者, 佇罪的中間我的老母懷孕我。  
6 你所愛的是心內誠實; 佇我的腹內, 你欲互我得著智慧。  
7 求你用牛膝草洗我, 我就清氣; 求你洗我, 我就比雪卡白。  
8 求你互我得著聽見歡喜快樂的聲, 互你所遏折的骨通歡喜。  
9 求你掩你的面無看我的罪, 擦消我一切的罪惡。  
10 上帝啊, 求你給我創造清氣的心, 互我的內面有換新正直的神。  
11 毋通趕我, 互我離開你的面; 毋通對我收回你聖的神。  
12 求你互我猶原得著你救恩的快樂, 賞賜我有自由的神來扶持我,  
13 我就將你的道路指示有過失的人, 有罪的人就欲歸順你。  
14 上帝啊, 你是救我的上帝; 求你救我脫離剖人的罪! 我的舌欲大聲吟詩謳咾你的義。  
15 主啊, 求你開我的嘴唇, 我的嘴就欲報揚你的好名聲! 16 因為你無愛祭物, 若愛, 我就欲獻; 燒祭, 你亦無歡喜。  
17 上帝所愛的祭就是憂傷的神; 上帝啊, 憂傷痛悔的心, 你無欲看輕伊。

共同經課 - 3 哥林多後書五章二十 b 節~第六章十節

20 阮為著基督求恁及上帝復和。  
21 上帝互彼個無罪的, 替咱成做罪, 是欲互咱惦佇伊來成做上帝的義。  
1 阮及主同著磨的, 亦勸恁毋通通空受上帝的恩; 2 因為伊講: 「佇得著接納的時我有聽你; 佇拯救的日我有幫助你。」你看! 此霎是受接納的時; 你看, 此霎是拯救的日。  
3 阮一概無塞礙人, 免得此個職份犯嫌;  
4 就是凡事證明本身合佇做上帝的差用, 是佇多多吞悞、患難、欠缺、困迫、  
5 受拍、關監、擾亂、著磨、無暍、無食、  
6 廉潔、智識、寬容、仁慈、聖神的感化、無假的疼、  
7 真理的道、上帝的權能; 用義的戰器佇左右;  
8 無論榮光凌辱、歹名聲、好名聲; 親像騙人的, 其實是誠實的;  
9 親像人唔知, 其實多多人知; 親像欲死, 其實是活; 親像受責罰, 其實無致到死;  
10 親像煩惱, 其實常常快樂; 親像喪鄉, 其實互多多人富; 親像無有, 其實是無唔有。

共同經課 - 4 馬太福音六章一節~六節, 十六節~二十一節

1 「謹慎, 莫得佇人的面前行恁的義, 故意互in看見, 若按呢, 就無得著報賞佇恁天裡的父。  
2 所以, 你賑濟的時, 莫得佇你的面前歎號頭, 親像假好的人佇會堂及街路所做的, 愛人榮光in。我實在給恁講, in已經受著in的報賞啦。  
3 獨獨你賑濟的時, 莫得互你的倒手知你的正手的所做, 4 互你的賑濟隱密。就你的父鑑察佇隱密的, 欲報答你。」  
5 「恁祈禱的時, 莫得親像假好的人, 因為in愛倚佇會堂及大街面的越角祈禱, 欲互人看見。我實在給恁講, in已經受著in的報賞啦。  
6 獨獨你祈禱的時, 著入你的密房, 關門, 求你的父惦佇隱密的; 就你的父鑑察佇隱密的, 欲報答你。  
16 「閣恁禁食的時, 莫得親像假好的人帶憂容; 因為in將in的面變歹看, 欲互人看見in啲禁食。我實在給恁講, in已經受著in的報賞啦。  
17 獨獨你禁食的時, 著抹你的頭, 洗你的面, 18 無互人看見你啲禁食, 是互你住佇隱密的父看見; 就你的父鑑察佇隱密的, 欲報答你。」  
19 「莫得為著家己積聚財寶佇地裡; 有蟲及銹拍歹, 也有賊挖孔偷提的所在。  
20 獨獨為著家己積聚財寶佇天裡; 蟲及銹無拍歹, 也無賊挖孔偷提的所在。  
21 因為恁的財寶佇遐, 恁的心也欲佇遐。」